

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 V 016783 22 V

Novi Travnik, 20.06.2022. godine

Kantonalni sud u Novom Travniku, sudija Suada Kahrić u vanparničnom postupku predlagateljice F.U. rođ. A. kći Š. iz F. ulica ....., protiv protivpredlagatelja A.U sin E., nastanjen na adresi 12279 ....., ....., zastupan po punomoćnici N.U. iz F. (kći protupredlagatelja), radi priznanja strane sudske odluke o razvodu braka, dana 20.06.2022. godine, donio je slijedeće:

RJEŠENJE

Ovaj sud se oglašava mjesno nenadležnim za postupanje po prijedlogu predlagateljice F.U. rođ. A. za priznanje strane sudske presude Porodičnog suda Okruga St. Louis, Missouri, Sjedinjene Američke Države, predmet broj: CCFC116M (Pf2) Rev 8/99 od 13.09.2005. godine.

Po pravosnažnosti ovog rješenja predmet će se bez odlaganja ustupiti Kantonalnom sudu u Sarajevu, kao stvarno i mjesno nadležnom za postupanje u ovom postupku.

Obrazloženje

Predlagateljica je nesporedno ovom sudu dana 06.06.2022. godine podnijela prijedlog za priznanje strane sudske presude porodičnog suda Okruga St. Louis, Missouri, Sjedinjene Američke Države, predmet broj: CCFC116M (Pf2) Rev 8/99 od 13.09.2005. godine.

Predlagateljica je uz prijedlog priložila slijedeće dokumente: original stranu sudsku odluku čije se priznanje traži, prijevod iste sačinjen od ovlaštenog sudskog tumača za engleski jezik sa područja BiH, izvod iz matične knjige vjenčanih izdat od Matičnog ureda Općine Hadžići, Kanton Sarajevo broj: 03/2-10-2-5714/2022 od 03.06.2022. godine, zahtjev za prijavu-odjavu prebivališta-boravišta MUP SBK Fojnica od 02.06.2022. godine, original punomoć za zastupanje izdata od strane protupredlagatelja kao vlastodavca iste i prijevod punomoći, dokaz o uplati sudske takse-uplatnica u iznosu 200,00 KM.

Prilikom prethodnog ispitivanja prijedloga za priznanja strane sudske odluke, ovaj sud je zaključio da nije mjesno nadležan da postupa u ovom predmetu iz slijedećih razloga:

Odredbom člana 19. st. 2 Zakona o parničnom postupku („Službene novine F BiH“, broj 53/03, 73/05, 19/06 i 98/15) je propisano da se sud, može proglasiti po službenoj dužnosti mjesno nenadležnim samo kad postoji isključiva mjesna nadležnost nekog drugog suda, ali najkasnije do podnošenja odgovora na tužbu. Nadalje, odredbom člana 101. preuzetog Zakona o rješavanju sukoba Zakona sa propisima drugih zemalja u određenim odnosima („Službeni list SFRJ“ broj 43/82, 72/82, „Službeni list Republike BiH“ broj 02/92), koji je preuzet kao republički propis, a potom federalni i koji se primjenjuje u skladu sa članom 458. Zakona o parničnom postupku („Službene novine Federacije BiH“ broj 53/03, 73/05, 19/06 i 98/15) propisano je da za priznanje i izvršenje stranih sudskih odluka i stranih arbitražnih odluka mjesno je nadležan sud na čijem području treba sprovesti postupak priznanja, odnosno izvršenja.

Budući da je brak između vanparničnih stranaka u ovom postupku zaključen dana 13.05.1994. godine pred matičnim uredom u Tarčinu, Općina Hadžići, Kanton Sarajevo, a koji brak je upisan u matičnoj knjizi vjenčanih koja se vodi za mjesto Tarčin, pod rednim brojem 22. za 1994. godinu, a predlagateljica je rođena u mjestu D. Općina F., Bosna i Hercegovina, a protupredlagatelj je rođen u mjestu J., F., Bosna i Hercegovina i kako brak između vanparničnih stranaka prema dostupnim podacima nije zaključen niti zaveden u matične knjige vjenčanih na području Srednjobosanskog kantona/Kantona Središnja Bosna, to je shodno citiranoj odredbi člana 101. st. 1 preuzetog Zakona o rješavanju sukoba Zakona sa propisima drugih zemalja u određenim odnosima, u ovom konkretnom slučaju za postupak priznanje gore navedene strane sudske odluke o razvodu braka u skladu sa odredbom člana 61. stav 3. Zakona o rješavanju sukoba Zakona sa propisima drugih zemalja u određenim odnosima i koji se primjenjuje u skladu sa članom 458. Zakona o parničnom postupku, isključivo mjesno nadležan sud gdje se priznanje treba sprovesti odnosno izvršiti, a to je Kantonalni sud u Sarajevu, pa je u skladu sa odredbom člana 67. stav 2. tačka 1. a u vezi sa članom 19. stav 2. i 20. stav 1. Zakona o parničnom postupku Federacije BiH, valjalo odlučiti kao u izreci ovog rješenja.

Na temelju Tarifnog broja 1. točka 10. i Tarifnog broja 2. stav 1. koji je sastavni dio Zakona o sudskim taksama („Službene novine SBK/KSB“ broj 4/2017 i 15/20), predlagateljica je dana 06.06.2022. godine uplatila sudsku taksu u iznosu od 200,00 KM.

Sudija  
Suada Kahrić

Pouka o pravnom lijeku:

Protiv ovog rješenja može se izjaviti žalba

u roku od 15 dana od dana prijema rješenja Vrhovnom sudu F BiH,  
putem ovog suda, a podnosi se u tri primjerka.